



玉介園存稿卷之四

永嘉王叔杲陽德著

詩

壬戌

登毘陵閣送西華伯兄南歸

峇堯傑閣控城隅
俯瞰郊原畫不如
雲樹叅差迴梵刹
河山蟠鬱壯皇都
晴春瑞靄浮朱棟
靜夜天章薄翠櫺
極目江南征旆遠
不堪鴈影月中孤

玉河橋白燕和社中諸公

閒撲楊花掠禁塘雪衣皎皎媚晴光迷踪忽傍
梨稍語覓侶翻隨蝶翅翔浴向瑤池增玉彩飛
歸珠戶妬銀妝翩翩怕受緇塵染肯逐禎符入
建章

直廬紅白芍藥奉和表元翁師相

淑氣饒 皇畹名花出禁墀席依雙萼媚盤簇
數莖奇映日頰霞絢凌風粉翅披香浮瓊竿細
影落繡屏歆織黛塵氛隔靈根雨露滋幸隨桃

李後同際豔陽時

入西山

旭日初開秋滿林林端遙望碧雲深藍輿正向
雲深處一路高槐接地陰

碧雲寺

雲中磴道絕埃塵祇苑莊嚴處處新一卷法華
心似水石橋趺坐悟前身

香山寺

禪房深護水雲幽石徑斜懸萬木稠禾黍滿村

遙入望却疑身在故鄉游

金山寺

雨過烟虹挂碧巒
偶來僧寺一停鞍
老僧愛客渾忘去
坐對蓮花話涅槃

功德寺

古寺荒涼草滿蹊
野人猶說舊芳菲
禪關寂歷無僧住
惟有高松伴夕暉

西湖景

湛空秋水碧漣漪
翠葦新蒲夾御堤
想像武林

門外望淡烟疎柳六橋西

端陽日與海壇中川秀溪諸君少集

佳辰轉覺旅懷侵
共對蒲尊散客襟
榴花向人如有意
黃鳥掠檐空好音
懷古漫成湘水賦
感時聊和越鄉吟
江南積雨應初霽
新漲平涵灌木陰

送祁蓮湖歸楚時伯兄分守荊西

十年獻賦違朝謁
千里攜書返故鄉
薊北馬蹏應隔歲
衡南鴈翼正隨陽
論文旅舍燒銀燭
惜

別旗亭倒菊觴迢遞獨憐池草夢從君一夜度
瀟湘

姜對陽歸自西山以詩索和率爾奉荅

西山遙望鬱欽峯翠壁青蘿結夏陰仙侶游歸
傳藻詠野人吟罷想雲林諸天蚤歲曾攀遍香
積何年約再尋爲報山僧頻掃洞石牀莫遣雨
苔侵

送舒中陽令東莞

秋風變庭樹黃鳥尚關關霄漢辭雙鳥提封繞
百蠻寒雲橫粵嶠涼月澹燕山遙遙望合浦何
日去珠還

九日對陽席上分韻得觴字

玉律應重陽清歌促羽觴開軒逢菊蕊對酒憶
萸房暝色城鴉送鄉心塞鴈翔佳辰且劇飲涼
月正臨牀

送嚴中川姊丈之南康

風葉蕭蕭秋正殘征車迢遞向南安情深逆旅
難爲別宦薄窮途好自寬未信鹽車終伏驥應

知枳棘暫棲鸞羊華無奈催雙鬢何日同尋故里歡

送胡衛幕之遼海

薊門西望朔雲寒遼海旌旗擁錦鞍上將坐須
籌畫久邊陲正值轉輸難清霜古戍狼烟白細
草黃塵塞月殘此去勛名推幕府夢回紅日是
長安

東平道中呈竹巖叔父

古塹寒風吹旆旌星輶歲晚尚南征殘燈幾點
遠村暝霜月滿空孤鴈鳴戀闕猶懸頻夜夢到
家應記隔年程東山叢桂虛凝望尚作驅馳萬
里行

兗州道中遇雪

歲晏倦行役征車雪霰侵寒光浮大陸風色慘
踈林歷塊傷疲馬巢枝羨暝禽翻思剡溪棹聊
擬灞橋吟

癸亥

登君山望靖江

五介園存稿卷之四
五
岩堯飛磴入江塽雨過停舟躡紫烟幾處荒碑
殘劫後千家新市夕陽邊雲開極浦橫孤堞風
起驚濤簸遠天登眺却疑身作宦漫思康樂賦
中川

郊外訪朱近齋

和風扇郊原草樹綠成綺欣然出郊行偶過柴
桑里新漲拍斷堤初荷媚幽渚隔岸桔槔翻隴
畔歌聲起農夫饁茂陰殷勤話晴雨令拙民亦
安地僻俗仍美高人川上居開軒面流水呼童

具盤飧相與論治理日斜命駕歸炊烟滿墟市
孤山閱兵

馱沙四面擁江流烟樹微茫似沃洲千古乾坤
留砥柱三生身世等浮漚西瞻紫極彤雲迴東
望滄溟瘴霧收零落茆茨苦徵戍銷兵何日事
春疇

毘陵道院

曲巷偶停車高槐落照餘因耽仙院任轉覺宦
情疎樹色搖文綺香氣結茗爐山陰逢舊侶媿

五介園存稿卷之四
六
乏右軍書

靖江官舍對菊有懷

山中高卧幾經年最愛東籬菊蕊鮮色借銀缸
增夕豔香浮瓊竿鬪春妍身名已悞通朝籍宦
跡猶憐滯海壖此日黃花對尊酒翻思舊侶一
凄然

邑中別景陽姪

廿年燈火最情親自分山中共隱淪爲吏偶居
滄海近思家凝望白雲頻相看不厭官齋冷惜
別應憐客路貧知爾到家當歲暮故園梅萼正
含春

寄壽朱南洲丈

緜額春深紫氣浮翩翩笙鶴下丹丘王喬効我
長生術遽玉知君有道流宇內名山推北鴈里
中月旦屬南洲何時共結青山社桂樹叢中足
勝游

衙齋對菊寄故山諸社友

江郭變金素驚颺叶清商陽景澹林薄庭柯振

微涼杞菊燦文埒秋光媚虛堂采掇不盈掬襟
袖凝餘香訟庭謝叢脞臥閣聊徜徉緬懷故山
麓幽深擬柴桑寒英浥清露東籬吐芬芳賓朋
笑相命臨池展壺觴感此媿纓綉超然羨鳴翔
因之寄相憶素心期不忘

早春雪霽過居商谷蒼雪館

蒼雪開芳館叢籬護曲房竹梧含凍色鳥雀鬧
晴光斐几盈細帙芝臺飄異香對君幽意洽翫
笑習池狂

江上閱兵贈蔣尼山總戎四首

貔貅千隊擁江干春日同登上將壇雲陣倒垂
颯影亂浪花輕拂劔光寒

其二

元戎部曲衆稱雄腰下多懸五石弓莫道材官
推冀北從來豪俊羨江東

其三

旌旗獵獵似雲屯戰艦乘流鼓吹喧士氣驍騰
知將畧遐荒綏服是皇恩

其四

江流萬頃接天平絕島真看瘴霧清解道金陵
扁鎖固嫖姚建節在江城

靈雨乍霽喜而有作

靈雨苦澁旬沉沉積陰暝野稼浸以靡畦菊滋
逾盛方深南畝憂遽減東籬興茲辰鳥雀喧虛
窻弄晴影散髮步庭除雲飛遠天淨披露整菊
闌西山曙光映佇立意兩忘悠然發高詠非關
玩物情聊以適幽性庭吏忽報衙案牘紛以屏

時艱罷催科公庭絕喧競暫解束帶勞詎免
災青折腰豈吾羞素食自慚省惻惻懷故山拂
衣媿陶令

雨過同孫徐二君登眺拂水巖

縹緲危巒接上台閒攜二妙一登臺風泉倒捲
林霏潤雲磴斜懸石竇開野外浮嵐含宿雨望
中巨浸發新醅感時欲擬愁霖詠誰羨當年作

賦才

九日登虞山劔閣

名山佳節共登臨
雄構真看絕古今
劃斷紫崖橫劔閣
平分丹巘接珠林
重湖歛灩開晴練
遙海微茫起夕陰
莫訝西風慣吹帽
與來還躡最高岑

雪霽後同汪存吾登達觀亭歷虞山諸寺
時存吾擢東昌司理觴別

危亭縹緲枕城偏
獻歲來游雪霽天
罨畫湖山春色動
水晶樓閣瑞光懸
攀厓徧歷諸天景
俯檻平臨萬井烟
同宦經年此登眺
那堪對酒是

離筵

過虎丘訪松墟上人聞閉關寫經歲餘不出賦贈

當年憶共上慈航
此日相尋到法堂
念我無端沉宦海
知君有覺度迷方
湖中解說蘇公偈
谿上難逢佛印狂
何用閉門書貝葉
了無一字是空王

乙丑

中秋夜六合官舍寄懷陳雨亭孫百川王

笠洲三公

太丘天下士直節動金門言用身堪隱家貧道
益尊放歌湖上月惜別惠山樽今夜延清賞幽
期憶共論

右懷雨亭

蘇臺有高士寄傲尚湖陰筆落珠璣燦歌成鸞
鳳音攜琴過水閣下榻話雲林旅舍逢佳夕懷
君思不禁

右懷百川

王喬吾榜彥清譽滿朝端北郡曾棲棘西臺舊
結蘭煉形真鶴立養素似龍蟠遙憶虞山月同
誰集檜壇

右懷笠洲

郊寺雪後三湘年兄以詩索和并以招之
北風吹雪遍郊阡玉宇銀樓四望懸亂舞祥花
占歲稔巧妝瓊樹鬪春妍多才誰授梁王簡寡
和真傳郢客篇獨擁寒爐吟不就願攜尊酒慰
跼然

過省中有作

日昃遲遲出瑣闈遙從西內進香歸
聖朝重道無封事贏得朝朝著賜衣

丙寅

馬松里年兄餞別西湖席上奉和

湖上開尊逢暮春波光過雨散綃紋蘇公堤畔
柳初暗白傅祠前花正紛早歲文章懸北斗幾
年踪跡寄閒雲清時佐理須君久莫向江湖惜
袂分

出郭赴西山

早春風日靜郊圻有約登臨願不違堤柳將舒
鶯未至湖水初泮鷺羣飛翩翩游騎迴青嶂隱
隱疎鐘落翠微偶到山齋話幽寂却令對景憶
東歸

過碧雲寺

遙向諸天望碧雲到來祇苑絕埃氛危厓古木
盤雲秀石竇流泉繞砌分窈窕山蹊餘凍雪叅
差樓閣駐斜曛喜逢僊侶陪觴咏獨媿風流晉

右軍

登八達額和伯兄韻

連厓中斷控居庸紫巘排空萬馬雄
磧道冰消臨使節煌墩烽冷息邊戎
額踰八達雲中近望入黃花朔塞通
諸老壯猷紆北顧漢家誰數貳師功

贈丁少鶴之延平

曾騎玄鶴下芝田悞落風塵倦着鞭
仙吏祇應靈境住琴書又上武夷船

送吳后菴馬上口占

平生孤憤向誰談無限離心逐去驂
已羨冥鴻辭繳弋莫將陽羨作終南

送范屏麓太史冊封魯府便道省覲

玉牒光分出帝京桐珪親捧冊東平
乘龍早擅瀛洲譽刑馬今脩礪帶盟綵
仗雲凝過岱嶽仙槎春暖下吳城
鸞坡視草須君切莫向天南滯使旌

送王荊石年兄冊封魯府

遙分玉節下彤墀
鄴水奎躔午夜移
載筆暫看辭漢殿
展親爭覩肅周儀
星軺漸喜瞻雲近
綵服懸知獻歲宜
茂苑風光應少駐
鳳池春色待摘詞

臨安逢王十嶽以詩索和率爾奉贈

海上逢君訪敝廬
相看忽憶十年餘
臨行持贈

南州榻

乙卯歲十嶽訪余甌中贈以高士榻

一別稀傳叔夜書
客

久更於詩律細
途窮轉覺故交疎
竭來又向長安去
強賦新篇慰索居

秋日郊外宴集和沈少芸作

無端逸思入秋多
村墅乘閒偶一過
郭外烟霞連禁苑
望中雲樹擁山河
因耽勝賞移瓊席
每憶幽期並玉珂
潦倒風塵吟久廢
登臨作賦奈君何

夜宿署中不寐疊前韻

夜槐搖落尚無多
忽漫光陰九月過
幾處寒砧催杼軸
一聲霜鴈度關河
浮生已覺黃梁夢
浪迹虛糜白玉珂
江上尊鱸今正好
起來彈鋏思

如何

丁卯隆慶

春日捧 詔南行朱在明康裕卿餞余郊外各投贈章次荅二首

燕邸相看閱歲除忽承 天詔下淮徐囊中秀句光行旆驛路紅塵擁傳車岱嶽遙臨朝日近香泉初試暮春餘泰山香泉皆余經行處東歸預卜烟霞

社莫向并州歎索居

其二

禁柳凝烟拂曙晴正逢春色滿瑤京雲間初捧雙龍軸天上遙辭五鳳城郊墅攜觴還惜別河橋駐馬獨含情星槎明發乘流下回首思君更緩征

春日捧 詔南行和在明韻

銜命出 楓宸驅車及蚤春那堪折柳日正值看花辰別思旅中黯風光驛路新懸知清夜調應憶賞音人

清明日過碧雲寺

佳節登臨興未闌，停驂山寺一盤桓。
千厓霽色初融雪，三月花枝尚怯寒。
風靜波光涵碧落，月明松籟雜清湍。
朅來未遂耽幽趣，回首紅塵走馬看。

寒食舟中值風雪

驚風動地起雲色，慘朝昏時序春光半。
關河雪霰繁，斷橋橫野渡荒塚蔽郊原。
客路逢寒食，蕭條憶故園。

戊辰

送徐龍灣廉訪入楚兼訊王三湘二首

使節下荆舒，開城落照餘。
春隨官裏到，臘向客中除。
楚塞寒雲擁，江樓夜月虛。
故人摩詰在，應過輞川居。

其二

五馬曾游洛，雙旌復入沅。
幾年流滯迹，此日量移恩。
戀闕懷公幹，憐才值巨源。
行看宣室召，莫吊汨羅魂。

送孫華山年兄

華山之行也余愴焉不能爲別顧繾綣悲
離壯夫所鄙慙慙交儻友誼攸敦爰抒短
章用以言贈

遭逢憶在昔並轡 皇都游歲月忽易邁曠隔
幾經秋竭來赴樞省復爾結綢繆情歡若醇飲
契洽如膠投君才誠間世卓犖今鮮儔解焚悉
迎刃決勝無遺籌西顧虜塵息東盼蠻烟收勞
謙遜津要秉鉞向南陬康衢騁驥步魏闕需鴻
猷願敦子淵志以寡顓師尤匪云涉畏路爰以
徵聖脩友道久衰落余言非謬悠勗茲交儻誼
慰此離索憂

初秋有懷

過雨天街暑氣微疎林依約映斜暉蘭尊忽憶
親交遠瑤草空憐故國違華麓寒烟迷鶴渚暘
湖新水浸漁磯初秋景色勞相憶夢斷東山未
拂衣

贈徐龍灣按察湖南

蚤年聲采擅南州廿載風塵賦倦游桂醕細傾

燕市月霜旌遙指洞庭秋楚天南望奎光動漢
水東來王氣浮寄我定誇崔顥句思君還上仲
宣樓

戚中嶽席上贈華玄谷二首

看君疑是謫仙人二十承恩謁紫宸賦擲金聲
才倚馬譚飛璫屑夜生春寒燈對酒離愁黯綵
服稱觴歲序新知到西湖花正發相從端欲解
朝紳

其二

憶余綰綬江城日愛爾趨庭束髮年已識神駒
終歷塊卽看鴈翼蚤垂天才名豈羨瀛洲選文
藻爭推水部賢奉使漫憐鵷序隔遲君鳴珮鳳
池邊

已巳

送朱見海年兄赴山東藩幕

歲晏出燕關驅車向歷山春光堤柳上臘意隴
梅間往事傷投杼新恩待賜環宦情兼吏隱日
觀任躋攀

送康半川按察江右二首

迢遞南州路星臨使節高
離堂燕市酒春棹廣陵濤
江漢迴飛轡風雲擁佩刀
分攜天萬里相憶夢魂勞

其二

芳草都亭曙驪歌詎可聞
驂騑看逸駕鴛鴦惜離羣
彭澤波浮日匡山瀑挂雲
憑軒行部暇幽歷總輸君

同王抑所許雙塘管建初康裕卿集梁浮

山齋中分金字

芳館傍城陰烟巒四壁森
偶來逢逸侶因以豁煩襟
徑草雨含碧庭槐秋散金
居然隔塵市欲擬丘中吟

重過崇効寺

出郭偶乘興香臺秋意初
馬蹏經路熟槐影護庭疎
欵客無村釀供盤只野蔬
留連澹忘去斜日到林墟

訪菊

嗜菊已成癖，郊園俗地栽。不嫌騎馬遠，每爲看
花來。漸喜翠莖長，俄看紫豔開。東籬佳節近，取
次釀新醅。

席上別戚中嶽年兄

離筵初集近中秋，天際浮雲黯別愁。對酒無言
停越調，臨岐欲贈解吳鉤。休悲玉樹霜偏早，且
喜庭萱日未秋。知到故園多舊侶，長安回首憶
同游。

送童山人子鳴歸隱龍丘二首童世家三

衢子鳴，故產海虞。向客吳中，與諸名士締
文字，交余舊。爲海虞令，訊往事，因併及之。
京洛偶投歡，忘言契若蘭。舟隨江月去，名動客
星寒。歲月表空敞，風塵缺倦彈。龍丘歸隱處，不
羨鹿門安。

其二

愛爾烟霞色，兼之湖海狂。銜杯欣異域，問里咤
同鄉。虞水釣游處，吳門詞翰場。因君訊桃李，飛
夢到河陽。

送王會泉年兄督軍兩廣

元戎授鉞下嵩螺司馬從征妙畧多雪後旌旗
橫殺氣春前笙鼓雜饒歌解纜何自封鯨觀揮
塵懸知靖海波已報閩南傳露布卽看額表盡
投戈

送楊本菴年兄督學洛中二首

鳳樓曉色五雲重 詔遣儒臣入汴中
午夜文昌依北斗清時彝典出南宮
書呈洛水義年瑞學紹河汾聖代隆
況是周南濡化地欣欣桃李

向春風

其二

看君策馬出燕京弱柳垂烟拂去旌
兩世載聯兄弟好一尊翻重別離情
玄成繼業占時望伯起傳經裕後名
最是驚心相憶處蒼蒼星月倚承明

送舒中陽年兄請告歸粵

瀛海攀鱗憶往年分飛無奈各風烟
妙齡早擅持衡譽盛世欣逢予告還
衡嶽秋高鴻侶遠桂

林春到綵衣鮮登臨欲寄相思夢粵樹燕雲倍
黯然

七夕同舍弟夜坐懷鄉園諸兄

庭院涼生過雨時一尊坐對漏聲遲鵲橋縹緲
通銀漢鴈信翻遷並玉墀此夕乍逢悲隔歲天
涯相慰籍連枝故園芳草秋應變猶向池塘繫
夢思

周與鹿九日見懷次韻奉荅

前門寒色鬢華侵霜壓平臬萬木森白雪是誰
傳郢調黃花聊爾寄鄉心烽烟絕塞愁聞警風
雨孤懷倦賞音躍馬自憐成底事徘徊撫劔一
長吟

黎瑤石梁浮山王抑所許雙塘康裕卿集

齋中賞菊得人字

幽齋自喜隔風塵更值清秋菊蕊新詞客聯鑣
醜雅會文園對酒洽佳辰燈搖紫翠偏宜夕月
傍離披別有春却憶故山雲樹縹東籬何日見
歸人

冬暮送沈少湖年兄

歲晏歸思促，那堪復送君。
隴梅催別淚，朔鴈惜離羣。
驛路亂霜葉，寒江橫暮雲。
愁心何以慰，尺素數相聞。

庚午

同康山人過積善寺

策馬訪幽寺，到門繁夏陰。
地偏無過騎，院靜有鳴禽。
偶對高僧話，真同隱者心。
惟應共裴迪，乘暇數招尋。

過摩訶菴懷朱元意

偶到祇園思倍清，芳辰況復近朱明。
高松滿院靜團翠，好鳥窺人時一鳴。
粉署初辭從浪迹，樊籠未解暫埋名。
耽幽却憶同心遠，落日徘徊空復情。

道院夜坐次前韻

擁膝虛堂夜氣清，輝輝殘月映簾明。
半檐露滴花香細，何處風吹仙籟鳴。
松菊自憐荒舊業，風塵底事繫浮名。
黃庭讀罷諸緣寂，混迹誰知出

世情

留別呂日洲年兄

日洲書院在九疑之下余有登訪之約

談經同下董生帷尊酒比鄰數共移海內人倫
歸藻鑑年來踪迹歎支離天邊驛樹連三輔何
處雲山是九疑後會對君心竝繫風塵回首悵
難期

次韻別高受所年兄

情深岐路別對酒一高歌佩解薇郎署車停瓠
子河離心依紫極歸夢落滄波遙憶朋簪盍懸
知感慨多

留別同門諸兄次王剡川年兄韻

驪駒郊館促離聲回首春明隔帝城瓠落久
非題柱望樗迂今媿佩符行江雲擁樹牽愁遠
庭月侵人入夢清仙署羨君多暇日定知詞賦
重西京

廣川逢許敬菴年兄時敬菴方有南粵廉
訪之命聯舟至清源賦別二首

京洛幾年別逢君岐路隅停杯話離索相對各

躑躅學道心常泰甘貧貌轉腴獨憐揮袂去迢
邁向蒼梧

其二

遙上承明直俄持憲節歸世緣憐合寡吾道貴
知希暫喜聯征棹那堪把別衣何時謝羈鞅同
採北山薇

清源舟中別朱元意

平生交誼許誰同岐路分攜歎轉蓬君已投簪
歸地肺余猶綰綬向天雄維舟悵憶雲如蓋說
劍還驚氣若虹解組便應尋舊約蒼蒼松檜
魂中

送張壚山移鎮關中二首

重移開府法星高去任雲霓望節旄魏野嚴霜
屯虎旅庾樓明月集時髦關城坐嘯無傳箭台
斗行瞻有贈刀詞賦只今漳水上登壇誰復羨

劉曹

其二

驪駒遙憶衛河潯臘盡寒雲慘別襟鎮擁北門

魚鑰靜天迴東井歲星臨輜軒暮隔黎陽樹旌
旆春搖漢時陰自古長安形勝地南山佳秀入
豪吟

送胡二溪之毘陵

爾向毘陵去遺芳尚在茲高風季子里伏臘長
公祠荆水連吳會君山瞰海湄舊游如在眼清
夢繞江籬

余與海峰相約竝舟南下海峰先發二日
遺郵書報我曰君第趣行余悠悠蕩蕩以

待也迺竟追望不及悵然興懷爲賦悠悠

詞復賦蕩蕩曲

路悠悠水悠悠何處垂楊獨繫舟孤烟起戍樓
景悠悠思悠悠乳燕唳鶯各有儔君行不暫留
去悠悠望悠悠一片歸心下石頭雲橫白鷺洲
蕩蕩復蕩蕩洪河阻相望舟行豈不前洄波泛
層浪

玉介園存稿卷之四

玉介園存稿卷之五

永嘉王叔杲陽德著

詩

辛未

途中有懷故山別業寄趙麟陽年兄

故廬遙寄越山中
潦倒風塵鬢已蓬
紫笋黃魚春正美
尊鱸何必待秋風

郡齋挹芬亭獨坐有懷

太守風流學右軍
閒開池館隔囂氛
凌波粉黛

嬌含露夾徑琅玕翠拂雲自喜案頭無積牘願
看宇內遍清芬幽期悵憶同心遠倚檻微吟對
夕曛

再過魏氏園亭偶感舊游悵然有作

傍郭名園綠繞堤重來猶是隔年期橋邊蓮葉
翠堪摘河上蘭舟誰共移殘暑漸銷微雨後亂
蟬偏急夕陽時竭來對景增歸思潦倒空憐鬢
欲絲

杏壇

宣聖與羣賢言志處

壇砌臨郊古宮墻入望巍山川留勝蹟草木尚
餘輝禮讓慚爲國春風憶詠歸摳衣拜遺像千
古肅瞻依

過晁春陵別業

二晁談經處園亭半草萊平湖緣水瀦危磴借
城開古木春風到叢篁暝色催高賢遍題咏讀
罷轉堪哀

贈魏懋權文學

新開絳帳坐春風河朔英賢此日同驥足懸知

空冀北鳳毛誰復羨河東魏昆仲三人雄詞已覩風
雲色妙悟何煩雨露工年少洛陽真不忝薦書
未上媿吳公

立德弟東歸維舟清源過訪

倚棹相過衛水涯無端別思轉如麻到來正值
中秋月歸去應過九日花門傍陽湖浮碧浪園
依華麓散晴霞山中舊侶如相問爲說歸期不
待瓜

寄荅童子鳴次來韻

風塵一見已投知回首江湖歲屢移官舍清秋
頻對菊故人何處忽緘詩宦情似水將辭祿吾
道如絃莫問岐台鴈舊游應不負早來訪我右
軍池

壬申

春日過覽芳臺訪張惺宇年兄三首

乘閒挈伴到郊東柳色梨花日漸融自是公庭
無事了誰言公事了湖中

其二

高臺縹緲傍漳潯十日重過花滿林遷客年來
同隱吏新槐他日似棠陰

其三

垂楊夾道似蘇堤到處黃鸝不斷啼
成酩酊兒童多唱白銅鞮

憶別朱在明次來韻

病中爲別倍銷魂北望寒雲擁薊門
孤客燈前千里隔舊游
闕下幾人存文同鳳綵應爭瑞
夢入鷓鴣行早拜恩深指定尋衡杜
約遲君湖

上倒芳尊

贈張壚山開府江南二首

旌旆南飛海色開江東共訝茂先來
行邊寶劍寒星斗曲裏陽春遍草萊
茂苑鶯花羅綺國金陵烟月鳳凰臺
薇垣午夜頻瞻處法象光芒切上台

其二

關河迢遞隔飛鴻回首經年別恨中
紫氣遙瞻西華色青山猶見北門功
功名高二陝應爭勒賦

就三吳總失工天闕故人甘寂寞願移旌蓋問
蒿蓬

過穆少春園亭

傍城池館雜檀欒二妙相過數盡歡勇退王門
從設醴倦游神武罷彈冠朱弦古調憑誰奏匣
劍精光射斗寒莫道壯心銷已盡五雲咫尺是
長安

著書樓爲穆少春賦

小樓何日著書成山斗雙懸海內名博雅爭推
同倚相窮愁誰解似虞卿下帷不忘匡時畧
闕猶牽愛日情別後思君頻騁望奎光清夜

直東城

過石東泉別業兼訂秋來看菊之約

批鱗曾上漢庭書龍臥丘中幾歲餘自摘園蔬
開小酌閒栽淇竹護幽居朝端日月稀鳴鳳
湖上風烟足釣魚齋閣久懸高士榻秋風叢菊
迂雲裾

初冬登大伾山

初冬飛蓋拂晴雲共陟嵯峨探秘文河勢已非
神禹鑿山形遙自大行分崖端想像懸金粟洞
口虛無散紫氛登眺壯懷聊此寄酒闌歸路已
斜曛

余行役恒陽阻雪藁城裕卿自京師過訪
得慰岑寂因與談舊游述故鄉溪山之勝
訂盟東歸

衝寒疋馬渡滹沱雪壓孤城愛爾過歷數舊游
序閒評時局恹風波疎狂祇決投簪計
辭還爲扣角歌形勝撩人歸已晚邀君同去臥
烟蘿

雪後重登大悲閣閣爲宋藝祖所創

高閣峻嶒倚碧穹重來更愛雪初融諸天雲樹
憑欄外萬里河山騁望中金碧檐甍恒水上莽
蒼空闕汴城東登臨莫問先朝事一笑尊前萬
劫空

別康裕卿

故里論交爾獨親十年同作異鄉人詩名久馳



居王後宦迹猶憐滯海濱舊業南都頻係望近
營西墅足藏身燈前對酒盟重訂客裏分攜倍
愴神

癸酉

萬曆

雨後命園丁蒔菊栽松時余將別晚香堂
戲題口號二首

雨足郊原霽色新階前羣卉賸爭春明朝拂袖
江南去留得黃花待後人

其二

手植庭槐蔭漸濃春來更種幾株松他年前伐
君休問聊寄當時吏隱蹤

陪舒繼峰游王鳳洲園亭時聞鳳洲將至
何年闔市築丹丘林徑逶迤望轉悠水上芙蓉
凝晚黛空中樓閣倒寒流虛疑瀛海移三島喜
並仙踪到十洲忽報星輶歸地主何妨日向習
池游

甲戌

寄荅舒繼峰二首

投交嗟已晚爲別恨經時見月空勞夢臨風遠
寄詩寒雲凝望渺芳草怨歸遲何日胥江上疎
簾對奕棋

其二

偶接雲霄翮同懷丘壑心一春聯桂舫長日話
雲林物態機忘久玄言契獨深幽思誰與寄搔
首自微吟

山行偶作

持節向勾吳役役苦羈旅夢寐懷故廬欲飛不
能舉行逢河上山停舟以延佇古木蔭清湍閒
雲覆幽渚遠望湖光浮依然五上舊墅海上喜銷
烽田中好禾黍及時且行游脈脈聞吳語却笑
防海君長作登山侶

游茅山喜斗壇繼峰二丈先至

夙昔慕名山蹉跎未登眺偶來謁三仙欣然逢
二妙飛觀凌紫霄琳宮掛丹嶠涉間旣探幽憑
高復攀峭僊樂和松風芝旛間林篠古洞有雲
封靈泉迎客笑跌坐籍茂陰傳觴發清嘯相與

扣玄關因之悟真竅騁望意未闌千山涵夕照
舒繼峯督運赴淮余持幽蘭贈之侑以二
詩
吳門傾蓋許知音暫爾分攜思不禁攜取幽蘭
遠相贈舟中獨對憶同心

其二

春風鼓棹向淮陰惜別聊爲楚畹吟回首白鬢
蕭艾質辭君一夜長蓬心

過靖江有懷

江城重到十年餘景物依然草樹疎父老猶能
話疇昔風烟空自惜居諸江籬曾覩圖中館水
竹遙憐郊外居悵憶舊游今幾在側身西望轉
愁余

同徐總戎野外看花

屢約看花悵後期東君有待故教遲韶華荏苒
逢初夏尊酒留連話舊知瀚海烟銷間赤幟柳
塘風煖倦黃鸝竭來未盡巖幽興落日何妨倒
接籬

春暮野外看牡丹贈老圃

傍水茆茨老圃家，繞除多種洛陽花。
入簾香靄團晴晝，匝地紅綃烜晚霞。
賸有芳菲供彩筆，不緣幽僻駐雲車。
故園春色誰同賞，回首家山望轉賒。

魏懋權以詩遠寄次韻答之兼柬伯子懋忠

霜華入鬢漸成絲，自罷談經日誦師。
瘴霧喜銷青海候，春風每憶絳帷時。
山中叢桂空悲晚，江上芙蓉莫怨遲。
爲語只今霄漢侶，逢人休負昔年期。

寄懷呂十洲年兄

思君迢遞隔衡南，每憶長安數並驂。
疋馬相過違冀野，雙魚遙寄向湘潭。
無才報主心空赤，多病逢秋鬢欲甦。
名嶽登臨應不負，看余早晚定抽簪。

冬暮過惠山華玄臯移舟相送并訂寶界之約倚韻答之

歲晚維舟傍惠山故人忽訝共追攀客途牢落
雙蓬髻尊酒留連一解顏剡棹獨廻星月夜輞
川只在水雲間寶界在湖中王仲山別業題詩爲訂春明約
飛夢搖搖弄碧浚

乙亥

官舍菊苗多爲雀所啄聞魏園有奇種戲

詩索之

一春花事悵多違籬下新柔雀啄稀荒圃春深
芳草合名園雨後菊苗肥身羈宦海頻開徑夢
到家山未拂衣不惜奇根早分惠高秋相報共
芳菲

送周左海東歸

山中同學幾經春十載空憐白髮新端木無才
慚結駟原思非病任懸鶉不堪旅況傷孤梗豈
謂浮榮歎積薪齋舍祇餘元亮菊秋風苦憶琴
膺尊

潘充菴席上觀菊余攜其黃鶴翎粉西施
以歸戲荅二首

何年飛入楚天秋，幻出花枝色更幽。
移向東籬拚酪酊，腰纏何用上楊州。

其二

寒花香豔似西施，燈下離披色更奇。
莫道鉛華已銷落，載歸猶得玩芳姿。

余與程東泉壯歲交游，今忽忽皆垂暮矣。

東泉今冬六旬訪余吳中賦贈

羨君行誼動儒紳，高蹈何妨近市塵。
靜裏光陰回甲子，閒中踪跡伴松筠。
幾年曠隔顏猶壯，千里相看意獨真。
歸人對惠連，應念我東籬何日是。

寧山林君築永寧山房，東泉數談其勝，索詩贈之，爲賦二首。

山房高築傍嶙峋，翠壁晴嵐景色新。
遠岫寒烟橫粉堞，長江秋月澆朱輪。
滿蹊花木供吟眺，半隴烟霞洽隱淪。
千里題詩寄幽興，拂衣應許結芳鄰。

其二

仄徑逶迤入翠微疎櫺宛轉媚朝暉江流幾派
羣山合雲樹千家一水圍訪勝每移霜月棹
幽獨上水雲磯陽湖只在吹臺下自歎勞生未
息機

壽封君感慈蔣翁七十

雕甍畫棟臨春風梨花初白桃花紅青絲妙管
聲摩空緋袍蒼髯居其中環望嘖嘖稱仙翁鸞
章熒煌粉署崇膝前戲綵高涼公高涼去年覲
天子虎符謝却還鄉里疏受陳辭未足誇

陽回馭真堪比戀王寧無北闕情承歡自得南
陔喜帝京疇昔侶高涼省中出入同含香薄
游此日來吳閫欣逢介壽登公堂堂中宴樂歌
未央願言福履同春長

壽方伯陳雨泉先生七十

安車再謝意如何春滿金閫掩薜蘿却軌誰題
中散鳳臨池時換右軍鷺風流天遣耆英在紫
氣霄占牛女多見說蓬壺仙侶集吹笙我亦會
相過

寄壽王約翁老師排律五十韻

閩嶠鍾靈勝清城產哲賢人求三代上文探六
朝先逸足驊騮高風鳳鵠騫壯心殊未已雄
抱實無邊甲第青年拾功名早歲捐連城寧自
韞直道不求前官祇安郎署情甘戀隴田遺榮
聊獨賁養素且高眠歸去同彭澤清游卽輞川
撫琴時偃息作賦日聯翩撰述才華茂林泉性
趣便放懷羣木石適志伴蘭荃逸思超箕皓修
齡等倕佺已踰從欲歲方屬古稀年齒德人皆
羨聲猷衆罕肩耆英推雅會芳社習真詮定鼎
南山頌應開北海筵庭前丹桂馥席上彩霞鮮
戲彩庭闈洽稱觴眷屬鳴江魚供几席山鳥和
歌絃上客將瑤竿名園集錦鞵已知筵似綺還
覺酒如泉奕奕調龜鶴盈盈列豆籩蟠桃供妙
賞仙杏雜丹鉛身已能遺世人皆慕葛天鍊形
忘色相脩性侶神仙德美天宜眷康寧澤正沿
高門綏慶祉清世樂翩躚服食顏如渥優游髮
尚玄匡時猷未展聞道福能全二仲交游數諸

生禮數虔少微千里耀南極一星懸轉媿玳瑁
質叨承鑒賞偏銜恩同海嶽宦跡滯吳燕憶在
京華日遙承綺翰傳繼來三載久莫附數行箋
祇爲山川隔因傷歲月遄稀齡空有憶華祝竟
無緣南國書頻寄東吳恨愈牽開絨情默默捧
誦思拳拳意悉觀梅解心存賦桂篇探奇宗太
乙玄悟見璣璿靜攝神如水虛靈識似淵地羅
推子午天道玩坤乾道已窮玄默身奚計伏跼
施禧乃緬縵造化定陶甄雅望如山斗微衷似
沫涓瞻依徒悵惘候問愧稽延趨步誠無自懷
思轉覺綿臨風聊作頌萬里思悠然

奉送王約翁老師歸閩

長河濤聲北風冽吹作冰花照吳越歸帆高張
不可留離觴未酌心先折昔年上書際 明盛
夫子紅顏秉文柄握裏高懸寶鑑光弱齡謬逐
風雲勁歲月悠悠岐路長廿年櫪伏困騰驤低
徊空慚國士遇鏡中髣髴色今星霜彈琴執戟忝
祿食分符秉憲非循良寸心自長力自短畏途

偃蹇羞門墻風烟愁人斷鴻翼引領關河意何
極扁舟忽自山陰來拜手翻令益悽惻梗楠千
尺干雲霄梁棟明堂賴其力胡爲棄置江海傍
堯廷遂絕臯夔跡丈夫輾軻每如此對酒高歌
詎能止蛟龍蟠曲雲霧深聲望崔巍山斗似軒
車翩翩去何在東指蓬山接閩海武夷自昔神
仙居三十六峯青相待到家條風拂新柳階
斑斕鳳麟藪春杯細酌滄海流身外浮雲一
有

果弱冠應浙癸卯鄉試時吾師約翁夫子
實典試事果謬蒙識拔淪落二十年至壬
戌始叨一第歷宦途又十餘年矣竟無緣
一伸展謁茲濫持吳節翁不遠千里垂訪
雖侍教洽旬而莫罄衷懷先是翁壽七十
果賦排律寄壽已畧敘其平生今翁以歲
晏東歸再賦
長句爲贈

蹇理菴年兄遠過海上篝燈夜話出示近
作敘舊悼亡爲之感愴賦贈

海上欣逢五馬過相看猶自話風波寰中宦迹
今因避篋裏新詩近更多潦倒自慚歸計晚凋
零無奈故人何當年意氣君逾壯莫惜燈前醉

後歌

王九岳丈訪道茅山歸寓虎丘余從海上

過訪

瘴海烟銷罷戰歸扁舟乘月到禪扉喜逢仙屬
來名嶽暫借丹房住翠微幾載睽違憐舊業一
燈對晤了玄機看君賸有飛騰意便欲相從未
拂衣

七夕再過虎丘訪王九岳喜童子鳴朱瓦

明適至

重來古寺訪王維二妙相過興更奇艤棹況當
新月夜開尊正值渡河期酒邊詞客雕蟲盡坐
裏天孫傍鵲移瓜果不關禪悅供醉歸誰羨習

家池

丙子

王封君壽屆稀年榮膺 封典敬賦長句

爲贈

僊翁青雲姿夙抱雕龍技棘闈十載心未降笑
擲儒冠等閒棄華萼林軒日勸酬蘭桂階前競

芬翠把釣翻疑渭上翁種花雅得陶潛意仙翁
有子氣若虹少年謁帝蓬萊官方願廣額挺
修榦文華武畧蟠胸中西樞籌策兩言決南粵
蠻烟一劍空歸來共推帷幄功榮封殊錫酬
仙翁稀年方屆髻未蓬錦袍照耀烏紗籠芸窗
漫憶憂心忡桃李食實當秋風堂前菊蕊紛蒙
茸天葩兩豔呈神工庭闈瑞靄春融融積慶之
報真無窮王郎位望如山隆仙翁壽比岡陵崇
兩後泊舟惠山胡原荆王承父童子鳴來
訪相攜過泉上煮虎丘茶話永嘉山水之
勝賦此訂約

十年幾作吳中吏每過雲山訪幽閤梁溪溪上
偶停舟九峰山下浮空翠高陽酒徒何處來滿
飲松醪成一醉漪瀾亭邊逢日晡雨後名泉清
且都虎丘雨芽攜滿袖急呼山僧提竹爐烹來
信是兩奇絕到口便覺清香殊與君共有烟霞
癖海內名區恣探歷永嘉山水舊稱奇却疑未
見高人迹茶罷津津話勝游冷然清風生兩腋

余家久住陽湖邊吹臺萬仞當其前烟雲變幻
日千態無端一別今經年稍待秋風掛冠去邀
君同坐龍湫顛

自句容過宿茅山有作

幾年浪迹向吳州半是看山半宦游縹渺三黃
雲外聳微茫雙闕望中收濯纓泉上心同寂下
榻松間夢更幽孤旅不嫌官舍冷籬邊菊蕊
正秋

送舒繼峰擢山西總憲

長安十載挹丰神茂苑投交意更親清話留連
常入夜名山登眺幾經春當年封事回天力此
去籌邊靖虜塵自許致身同稷契肯緣歸興憶
鱸尊

平望再別舒繼峰

歸旌颺忽下胥川相送中流倍黯然無奈西風
吹去棹不堪新月照離筵津亭解纜成千里何
處相思各一天北望關山悲漸遠南來鴈素莫
虛傳

登金山絕頂同康裕卿賦

排空渤浪晝冥冥共陟金鼇最上亭雲起樓臺
疑蜃結風來草樹遍龍腥江山總護興王地河
漢孤懸處士星烽火盡消空眺日不妨攜茗試
中冷

再過金山與康山人談海上之戰和韻作
障斷狂瀾萬古雄慈雲常護水晶宮慣乘飛舸
能衝浪獨上高臺欲御風霞擁青螺蒸遠岫日
潤素練接遙空清時自喜鯨波息把酒休論靖

海功

登焦山閱水兵和康山人韻

醉躡危巒逼太清江流遙帶夕陽平當年高士
聊投迹千古茲山獨羨名幾處烟汀迷斷浦兩
崖雲樹隱孤城時來戰舸驍騰甚誰向潢池敢
弄兵

登北固用金山韻

鼎峙三山此最雄差我雲磴躡禪宮遺編尚記
孫劉事斷碣猶餘晉魏風解道山河俱是刃由

知今古本來空地靈自合留名勝漫說莊嚴是
佛功

寄嚴中川丈

君平非凡姿少抱青雲器弱冠入館賓憲英諧
嘉儷余方及髫年相視如同氣一朝蕙帳空慈
幃繼捐棄人事多錯違情愛豈乖異雖遭失路
悲未挫凌霄志歲月忽已徂飛騰竟垂翅
就貲郎垂老爲丞貳初授瘴癘鄉繼補刀滴池
驥足悲鹽車羊腸屢踣躓拂衣歸故廬猶然

松桂嗟乏幹蠱賢復拙謀生計僦居傍城東形
容日憔悴勉種東籬花或結禪林契情事向誰
陳緘書遠相寄歎老復悲窮後會恐難冀臨風
讀來緘東望惟雪涕陽湖烟水深華麓花枝媚
豈不戀故鄉無奈樊籠繫努力願加餐東歸可
余企

中川壻余女兄

母夫人所鍾情焉余自

髫年追隨今忽忽俱成皓首中川少負奇

氣乃竟阨時命四躓風雲僅以丞貳投老

晚年生計淪落鬱鬱不如意今且踰稀年

漸迫衰謝緘書寄余吳中曰余非久客人

世者恐不能俟君歸願君爲一詩歷敘平

生親書小軸懸之壁間以當面晤且遺後人母以政冗辭也余持書潸然淚下因援筆畧敘夙昔不足言詩也

丁丑

金山寺二首

砥柱截江起茲山何壯哉地維鼇極斷水國化城開佛是浮蘆至僧非舍筏來前人有嘉詠欲賦句難裁

其二

望臨高閣無邊景色新洪濤翻日紺宇出

風塵形勝連三島人烟絕四鄰坐來忘去住何必問迷津

甘露寺訪康山人

行役歲將暮逢君江上山偶因稀吏事時得扣禪關翫骸吟逾苦飄零髻欲斑故鄉遺業在決筴共東還

康山人自京口買舟往哭華玄谷持輓章示余愴然有作

憶昨燕京道寒風逐素車

山人去冬扶海兄視東歸那堪楊

子棹復哭故人廬天闕書誰寄

海峰山房

梁溪約竟

虛

玄谷所居

薤歌何忍聽零淚灑衣裾

和王鳳洲韻

國恩未報久忘家長遣名園闕紫霞楚塞鄉心
傳鴈草江城春色到鶯花頻攜酌酒過山隄却
憶松筠傍海涯浪迹十年成底事祇將青髻染
霜華

惠山塔新成和仲山先生韻

岩峩鸞鶴頰湧蓮臺望裏湖山入鏡開綵筆先題
摩詰句鳳笙忽訝子喬來飛薨倒影搖晴漢舍
利含光燭上台已奪神工占勝絕懸知代降甫
申才

和唐宋惠山詩三首

萬曆丙子春修惠山泉亭成余既記之矣
華明伯刻唐宋人詩寄余索和適舟過惠
山案牘偶暇拈筆和之

向夕月未起疊嶂雲蒼蒼時聞松柏氣氤氳泛
虛堂天花從空來隨風自飄翔暝色晴未斂素

壁含幽光磬續林籟清佛凝旃檀香偶此成獨
往能將諸境忘

右次王晦伯韻

訪古到崖寺心期得幽人乳竇陰液涼竹鑪茶
氣新返景照虛藹苔澗青磷磷窈窕入香界淹
留洗情塵暫紆方外蹤攀林陟高旻處處白雲
起空山誰與鄰

右次竇丹列韻

峒堯青蓮宮虛嵐逗方懋窅窅竹逕密偏側人
踪絕泉香空際生松梵定中滅暝來山漸黑路
白忽見月還如照迷方了然悟心發於焉契真
賞蹞躄緩歸轍

右次朱遐景韻

玉介園存稿卷之



